



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

26. Dies Februarii. Turpis qui alto somno semisomnis jacet, cujus vigilia de medio die incipit, Seneca ep. 122.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

non parvi est momenti, vel minimum ejus momentum, quia est æternitatis sementis. Dum tempus labitur, immensi tibi lucri occasio elabitur, palma tibi in manibus infringitur, gloria æterna imminuitur, gravissimumque pateris, damnum, cum nullum facis cum tempore lucrum. Totus quantus es, Dei & cœlituum, es spectaculum. Infamas gratiam Dei, dum cum gratia torpens, qui debueras esse dignum Deo ac Cœlitibus spectaculum, te facis orco, & Dæmonibus ludibrium. Itaque labora ne sis sine labore assiduò, & tandem assiduitate, labor tibi erit non modò qui est molestus, levis, sed qui diurnus, brevis. Audi monitum Vatis:

*Fac ut nulla tibi sine fructu transeat hora,
Tunc erit hora brevis, tunc labor ipse levis.*

26. DIES FEBRUARII.

Turpis qui alto somno femisomnis jacet, cujus vigilia de medio die incipit, *Seneca ep. 122.*

Socordiaz I.
mater est
somnia-
lentia.

Ute vitetur spiritus desidia, cavenda est somnolentia. Quid turpius, quàm & tunc, cum clarum manè intrat fenestras, & dum adurtus est dies, languidâ inertia, & sopore teneri. Inter omnes vitæ humanæ miseras nulla major, si peccatum exceperis, quàm somni miseria. Cætera miseriæ vitæ duntaxat affligunt, somnus vitæ penitus aufert: cætera calamitates, cum fœnore sunt homini molestæ: non mediocriter enim ad merita cumulanda conducunt: imò si vis, ad cœlum manuducunt.

ducunt: itaque si patienter, & fortiter, es quoque feliciter miser. Somnus verò utrique vitæ, & corporis, & Animæ graviter officit, dum ne merearis efficit. Quare quisquis æternæ est amans vitæ, plus horret somnum, quàm mortem. Mors grassatur in corpus, somnus in corpus, & animam. Tanto videtur somnus morte deterior, quanto est Anima corpore nobilior. Mors solùm privat vitâ carnem, rem mortalem, & caducam: somnus Animam, rem immortalē, & æternam. Mors non est formidanda, quia relinquit hominis partem potiore liberam, scilicet Animam, quæ homo est, quæ amat Deum, quæ contemplatur Divina: somnus hanc partem hominis nobilissimam obruit, & sepelit, exanimem quasi ipsam animam faciens.

II. Nemo satis intelligit, quàm sit homini noxius somnus, nisi qui intelligit quanti sit momenti, & pretii Gloria Dei, quàm inæstimabilis ejus amor, & minimus gradus in terris Gratiæ, in cælis Gloriæ. Somnus suspendit omnes illas animi functiones, quibus, & augeat Gratiam, & obtineat Gloriam, & placeat Deo, Gratiæ auctori, & Gloriæ largitori. Itaque virtutis studiosi, à somno velut ab improbo, & molesto creditore se quamprimum expedire conantur: in dæmonaturæ ita satisfaciunt, ut è somno, tanquam ex Animæ compedibus evolare gestientes, in repetita mentis actione versentur. Non jacent in profundo velut facti, & opimi boves, spondæ adhærescentes, sed mox evigilantes, mentem, & cogitationem ad præclara omnia referunt, & tanquam in panegyri, atque nundinis, cælo, & æternæ vitæ negotiantur. Si cui homini, qui est impunè Dei amans, eligendum daretur,

mori, an per horæ dimidium dormire, prius, nullus dubita, eligeret, ne dormiendo cessaret à Deo diligendo. Quid igitur est somnus, quàm Animæ conspectæ tumulus? Itaque plus quàm decet, & diutius quàm oportet dormire, est saluti suæ indormire; sicuti multum vigilare, est non parum saluti suæ invigilare.

III. Si tibi quis annuntiaret te redigendum ad nihilum, toto & exhorresceres animo, & contremisces corpore. Cur gaudes, dum indulgendum est somno, cum perinde est, ac si jaceres in tuo nihilo. Dormiens ergo es, ac si non esses. Quid ergo indulges somno ultra jus, cum tibi tam sit injurius? Contractum hunc cum corpore tuo paciscere, ut quiescat, quia hoc illi debitum, & necessarium, & accipiat suum stipendium: sed ita ut statim, albescente adhuc cælo surgas, & erigas te è strato, ac mentem mox inferas cælo. Et quemadmodum Anima pro quiete corporis, veluti noctu moritur, & sepelitur, ita ipsum corpus pro salute Animi moriatur interdium: dum vigilat corpus, sit mortuum huic mundo: sicut Anima dum dormit, moritur interim cælo, hoc est operibus quibus meretur cælum. Rectè D. Basilus: (a) *Qui dormiens trophæum statuit?* Nimirum violenti, non somnolenti rapiunt regnum cælorum. Quàm sit homo nihili, sit licet in omnibus naturæ dotibus tummus, cum dormit, accipe ex homine Ethnico. (b) *Nemo cum dormit ullius est pretii, nihil magis, quàm qui non vivit.* Unde benè Chrysologus, qui omnia optime, (c) *Revera plus vigilare, plus vivere est.* Ut igitur

(a) Orat. de Bapt. (b) Plato l. 7. de legib. (c) Serm.

Februar.

Tessera.

155

plus vivas, minùs dormias; ut porrò mane citò vigi-
les, & in negotium incumbas, vesperi citò decumbe :
nam

*In matutinis quicumque cupit vigil esse,
Is cum gallinis habet ire cubare necesse.*

27. DIES FEBRUARII.

Deus non ea quæ offeruntur, sed volun-
tatem respicit offerentium. *S. Hieron.*
in Amos.

Deus manè I.
sit omnium
operum sco-
pus.

MANÈ evigilans, de quo po-
ti⁹ debet esse prima cogi-
tatio diei, quàm de Deo
qui est antiquus dierum?

Orto igitur jam sole, velut aquila perspicaci obtutu
intuere Solè Justitiæ, qui solem suum jussit oriri super
te. Ad eum, velut ad scopum jacula, sic dirige omnia
tua opera. Hoc modo actiones nullius ex natura sua
valoris in sublimem meritorum gradum evehuntur;
sic actiones naturales, redduntur supernaturales. Si
vel mille haberes intellect⁹, si mille oculos, illi in solo
Deo occupari deberent, & in ejus voluntate imple-
nda. In hoc potissimum cura, industriaq; nostra ver-
setur; ad hoc referatur omnis nostra sollicitudo; in eo
præcipuè intentio nostra occupetur; hic vires Animæ
nostræ fatigentur, pensum sit illud, & quotidianus la-
bor, totius vitæ nostræ, ut inquiramus, & quæramus
cum D. Paulo. (a) *Domine quid me vis facere?* Illud
quod vult Deus sèper facere, est Deū verè diligere. Et
ita si Deum diligis, stans in terra, jam nunc es in cælo:
quia facis voluntatem Dei, in terrâ, sicut beati in cælo.

(a) *Actor. 6. 9.*

II. Incipe